

欽定古今圖書集成

方輿彙編職方典



欽定古今圖書集成方輿彙編職方典

第六百三卷目錄

敘州府部彙考一

敘州府建置沿革考

敘州府疆域考

有圖

形勝附

敘州府星野考

敘州府山川考

敘州府城池考

古今圖書集成  
職方典第六百三卷  
敘州府部彙考一  
本府  
總志

職方典第六百三卷

敘州府部彙考一

敘州府建置沿革考

本府

總志

禹貢梁州之域古為夔國漢武開西南彝通棘

道徙犍為郡治北東漢徙犍為治武陽今彭山縣南

齊復為犍為郡治梁武立戎州又治六同郡於

南廣隋初廢郡存戎州大業初改州為犍為郡

唐武德初復為戎州領五縣移治南溪貞觀移



治夔道天寶初改爲南溪郡乾元初復爲戎州  
宋初置治宜賓縣政和間改敘州元陞敘州路  
以敘南等處宣撫司治此元末明玉珍據蜀改  
爲軍民宣撫司明洪武初改爲敘州府領縣一  
皇清因之

宜賓縣

漢夔道縣後周改外江縣隋復爲夔道唐改義  
賓縣宋改宜賓縣明因之編戶二十八里爲敘  
州府附郭

皇清因之編戶十二里

慶符縣

秦巴郡地唐分治撫彝縣宋南廣州政和間爲  
慶符元明因之編戶六里隸敘州府

皇清因之編戶四甲

富順縣

漢置江陽縣屬犍爲郡後周改洛源郡治富世  
縣隋省郡屬瀘州唐改富義縣宋爲富義監元  
爲州明爲富順縣編戶九十一里隸敘州府



皇清因之編戶二里

南溪縣

漢南廣地晉屬朱提郡梁置南廣縣隋改南溪縣屬戎州唐宋元明俱因之編戶一十九里隸敘州府

皇清因之編戶五甲

長寧縣

漢漢陽江陽二縣地隋為瀘州唐置長寧州宋為羈縻州熙寧中置清井監元屬馬湖路明改

今縣編戶一十七里隸敘州府

皇清因之編戶三里

高縣

唐置高州宋為羈縻州後屬長寧軍元復高州屬敘州路明改縣編戶十里隸敘州府

皇清因之編戶四甲

筠連縣

漢置定川塞唐置筠州武氏置定州宋為羈縻筠連二州元立筠連州及定川縣尋廢縣存州



明改今縣編戶四里隸敘州府

皇清因之編戶四甲

琪縣

唐始置琪州元初為下羅計長官司尋改琪州

明改縣編戶八里隸敘州府

皇清因之編戶四甲

興文縣

周夜郎城號大壩郡唐始置晏州後改戎州宋

元因之明改戎縣都御史曾省吾平蠻請改興

文編戶十一里隸敘州府

皇清因之編戶四甲

隆昌縣

古隆橋驛介瀘富榮昌之境明隆慶間巡撫譚

綸請割三州縣為今縣編戶二十里隸敘州府

皇清因之編戶二里

附建武

前代萬曆以前為都蠻盤踞不在版圖之內萬


曆元年克平設建武守禦所直隸都司於叙南



瀘州一衛遴選指揮掌印又設安邊同知一員  
統轄

皇清開闢裁所與邊同止名建武以敘州府通判治  
之

敘州府疆域圖





敘州府疆域考

總志縣志合載

本府

東至瀘州江安縣界一百八十里

西至馬湖府平彝長官司界一百六十里

南至芒部軍民府界七百里

北至嘉定州榮縣界二百九十里

自府至省城一千二百三十五里至

京師九千二百五十里

東西廣三百四十里南北袤九百九十里

古今圖書集成  
宜賓縣

東至南溪縣界三十里

西至馬湖府界五十里

南至慶符縣界五里

北至富榮二縣界一百里

自縣至省城一千二百三十里至

京師九千二百五十里

慶符縣

東至長寧縣沙河驛交界七十里

西至宜賓縣清油洞交界六十里

南至高縣石門山交界十五里

北至宜賓縣小宋交界六十里

東南至洪縣許鎮溝交界六十里

東北至南溪縣水窩交界九十里

西北至宜賓縣南岸交界一百里

自縣治北至本府一百二十里至省城一千三

百五十里至

京師九千三百七十里



富順縣

東至瀘州界七十里

西至榮縣界八十里

南至南溪縣界三十里

北至內江縣界七十里

東南至江安縣界六十里

東北至隆昌縣界四十里

西南至宜賓縣界四十五里

西北至威遠縣界三十里

自縣治西南至本府一百八十里西北至省城一千五百五里至

京師九千七百里

南溪縣

東至江安縣界二十里

西至宜賓縣界五十里

南至長寧縣界五十里

北至富順縣界五十里

自縣治西至本府一百一十里至省城一千二

古今圖書集成  
三  
百里至

京師九千二百二十里

長寧縣

東至西關交興文縣界五十里

西至蠻丫交珙縣界二十里

南至佛頭溪沙子坎大水蕩交珙縣界二十里

北至沙河驛交慶符縣界六十里又至安寧廢

縣六十里又至下長界牌交江安縣界五十里

自縣治西北至本府二百一十里至省城一千

四百四十五里至

京師九千四百六十里

高縣

在府西南一百五十里 八至未載

筠連縣

東至高縣界十里

西至烏蒙軍民府界七里

南至高縣界十五里

北至高縣界五里



東南至鎮雄府界三十里

西南至烏蒙軍民府二十五里

西北至高縣界十五里

自縣治東北至本府二百二十五里至省城一

千四百六十里至

京師九千四百七十五里

琪縣

東至建武界曹家營六十里

西至筠連城接高縣界二百里又至芭蕉口一

百里

南至高縣界落木柔一百一十里又至鎮雄界

兩河口一百里

北至本府二百里

東南至鎮雄界羅羅場一百里又至長寧縣芭

蕉隘五十里

自縣治北至本府二百里至省城一千四百三

十五里至

京師九千四百五十里

興文縣

東至拖船丫江安縣界十里

南至小隘子接建武界十里

北至水爐壩西關口接長寧縣界十里

自縣治西北至本府二百九十里至省城一千

五百二十五里至

京師九千五百四十里

隆昌縣

東至瀘州界三十里

西至內江縣界六十里

南至富順縣界四十里

北至榮縣界五十里

自縣治西南至本府二百六十里至省城九百

六十五里至

京師九千里

附建武

東至大壩交界三十四里

西至珙縣交界十里



南至筠連縣交界八十里

北至長寧興文二縣交界三十里

自建武治至本府二百里至省城一千四百三

十五里至

京師九千四百五十里

形勝附

本府

宜賓縣附郭

圖經東距瀘水西連大峩南通六詔北接三榮  
譙樓記地枕大江當舟車之衝

張鼎修忠利廟記負山瀕江地勢險阻

慶符縣

山衍迤而羅列水清冷而環繞

富順縣

地不滿五百里沃野平疇坦道多途備禦匪易  
奠梁蜀之東為水陸之會

南溪縣

龍騰之淵旋於左桂輪之山環於右

長寧縣



瀘南邊面闊遠有警則為兵衝

元史地當衝要

高縣

路通芒部水至南廣

珙縣

重險壘阻宅諸彝之淵藪

壤連烏蒙鎮雄二土府苗人來往錯雜據險可

櫻盜譏察以靖奸宄

山高而峯巒層出水清而波流迴旋

興文縣

西北接長寧江安東南據諸彝淵奧

黃庭堅戎州舍利塔記鈎連三江

處敘永往來之衝漢彝錯雜要害地也

隆昌縣

地當咽喉居六路之衝負倚岡阜山清雋而結

樓峯溪遶郭而有高洞

附建武

山峻而險水澗而低四面阨塞雄峙邊隅



敘州府星野考  
府總  
井鬼之分入參二度為鶉首之次

總志

敘州府山川考

總志縣志合載

本府

宜賓縣附郭

仙侶山 在治西北產仙茅上有真武宮竹木  
森翠山腰有清泉一石洞四其一曰楊仙洞相  
傳宋楊道人昇仙之地

翠屏山 在仙侶山後四時常青因名

七星山 在治東七峰圓秀狀若連珠故名

小梁山 在治東方輿勝覽云四時常雨霖霖  
不止俗呼為大漏天小漏天寰宇記謂之大梨



山小梨山

登高山 在大江東岸去府治二里元時城址尚存

東山 在治東北上有報恩寺

桂叢山 在治北其上多桂因名

赤崖山 在西北崖岸壁立瞰大江色若綺霞

天倉山 在治西前代屯兵墩臺跡尚存

師來山 在治西相傳昔有人浮舟於此忽見一道人自空而下於峯即之不復見土人呼道

士為師故名亦名書樓山

朱提山 在治西五十五里山插銀漢諸葛亮書漢家金朱提銀採之不足以食韓愈贈崔立之詩云我有雙飲醖其銀得朱提

乳洞山 在治西南六十里有泉如乳一名浮

洞峰

可峰山 在治北七十里一名梯雲

彝牟山 在治南一百里蘇轍詩岸闊山盡平

連峰遠飛漢



古今圖書集成  
定誇山 在治西百里山坡荔枝多屬廖氏黃庭堅詩廖致平家緣荔枝卽此山所出

洞山 在定誇山後下有洞容數十人上有一覽亭登眺爲勝故名曰洞山

彝牢山 在治西北一百四十里彝人祭社於此彝語以牢爲樂故名

石城山 在治西南一百里高峻環列如城隋史萬歲詩石城門峻誰開闢更鼓誤聞風落石界天白嶺勝金湯鎮壓西南天半壁

青山 在治西五十里危峯插天上有寺觀山麓有普德寺清流遶門僧如元創建

統山 在治西六十里

高山 在治西一百里上建川主廟禱雨輒應  
孝子石 在治南二里昔隗叔通之母惡瀕江水不潔必得江心水乃飲舟汲又苦迅湍忽湧出一石汲水甚便人以爲孝感所致按慶符縣亦載此石

乞子石 按明一統志在城南有石夾青衣江



對立如夫婦相向俗云人無子禱之有應按慶符縣亦載此石

仙侶洞 在師來山卽楊真人修煉處

水簾洞 在治北一十五里有瀑布黃庭堅作奇觀亭詩並著有詞

大江 在城東一名蜀江又名都江圖經水出茂州岷山下因名岷江亦名汶川蓋岷汶聲訛也流與馬湖江合

馬湖江 在城南源出沈黎實大渡之支流亦

名瀘水一名金沙江諸葛亮五月渡瀘卽此江之上流也

鎖江 在府城北兩岸大石屹立昔人因置鐵絙橫截其處控扼裔羌故名

石門江 在城西南一百三十里俗呼橫江又名小江源出烏蒙蠻部經本府境與馬湖江合中有灘其水常若鐘鳴曰鐘灘

黑水 在治東南一百五十里南廣溪輿地志謂此水卽禹貢之黑水按禹導墨水至於三危



南入於海今此水則自西南彝界流至南廣洞入於江云

存水 水經注云出犍爲郁郾郡卽今宜賓縣也相傳雍閩繫馬於柳而柳成林故名郁郾西北六十里爲郁郾灘

馬鳴溪 發源慶符縣西會馬湖江達於蜀江有土人牧馬於溪上產龍駒一日振鬣長鳴躍入溪中

蘇溪 在治北有前後潭瀑布千尺懸崖而下

涪溪 在治北一十里黃庭堅謫涪州別駕號涪翁後安置戎州遊是溪而樂之因名築石溪上居焉

越溪 發源於漢州山中歷井研仁壽至榮縣之牛潦橋始通舟楫七十里爲越溪山秀水清居民樸厚春時兩岸紅綠不假人工有天然之樂隱者常卜居焉以其道險而鄉遠也俗呼爲登頭溪

金魚井 在城南黃庭堅酷喜茶令人徧汲水



泉試之唯此水為第一

月巖井 在凌雲山下清冷芳冽煮茗尤佳

安樂泉 按明一統志在涪溪側味甘美盛夏

水冽冬月則溫黃庭堅號為安樂泉謂飲之令

人安樂也

天池 在城西十里一名滇池又名凌波池唐

韋臯詩春暖魚拋水面梭晚晴鷺立波心玉

復魚池 在城東宋張俞有記

流杯池 在治南隔江二里兩石蹲踞而中通

上下曲折約身入之偃僂而達於巔其中廣處

黃魯直壘石為九曲因號流杯池石上昔賢記

載多蘇剝不可讀亭館雖劫灰而址尚存巡撫

張德地捐貲復構碑勒更新焉

五子池 在治西三里鄰龍湖江周廣數十丈

中峙五石羅列頗勻遊人每攜尊臨池以為樂

四旁產五色石人爭拾之以供清玩

慶符縣

石門山 在治南下瞰石門江其林薄中多蘭



有春蘭秋蘭鳳尾蘭素蘭石蘭竹蘭春蘭花生  
葉下素蘭花生葉上黃庭堅幽蘭亭記一幹兩  
三花而香有餘者蘭一幹十數花而香不足者  
蕙一名蘭山

興慶山 在治南十五里

迎祥山 在治東二十里宋置祥州以此山名

漢陽山 在治北八十里諸葛亮平西南彝駐

軍此山山腰有洞神龍居焉早禱輒應

三台山 在治南上建有塔

朝陽崖 在治西北二十里其崖皆赭色朝陽  
射之光彩爛奕俗名爲赤崖

南廣水 在治北一百二十里出呂郤蠻部經

豕峩彝國過慶符東北至南廣鎮入於江江口

有天柱峰巨石屹立如柱下俯急流每春魚自

下躍上張網捕之日可得數百頭有魚躍亭

荔枝灘 在治北二十里古崖旁多荔枝樹故

名

天倉灘 在治西五里每歲水漲流沙塞灘則



年豐故名

越溪 在治西北一百二十里源自古滎州經

古旭川迤邐而至有石梁橫截其水冒越而過

古祥溪 在治右

珍珠溪 在治東二里

黑水溪 在治北七十里

銅鼓池 在治南三十里周圍四十餘丈四時

不涸中有一石如鼓因名

富順縣

同心山 在治東一名東山宋邦人呂震呂慥

讀書其上俱以文顯故名

凌雲山 在治西大江前橫一峯突兀邦人以

爲登眺勝處

中巖山 在北二里北巖居左瑪瑙居右

瑪瑙山 與凌雲山相接西北諸山唯此最高

崖下有羅漢洞水簾廳

祿來山 在治東宋蒲侯津以此山秀異因闢

學宮有桂子山相連因名



勸農山 在治南宋太守黃商卿嘗勸農於此  
上有洗馬池清泉洞嘯臺

聖燈山 在勸農山南上有燈出烟霞中初爲  
一炬忽三忽五俗謂之聖燈見則封域寧謐年  
歲豐稔按明一統志云山之西有石峰峭拔高  
數丈如佛像俗呼爲聖佛傍有二石如侍者蓋  
天成也

神龜山 在治北下有湖嘗有巨龜出小龜從  
之不可勝數故名山後有洞宋里人李見讀易

於此今名讀易洞

兜子山 在治南三十五里聳拔高峻有巨石  
若兜輪之形故名

虎頭山 在治西南六十里形如虎踞故名咸  
淳初嘗徙縣治此山

翠屏山 在江之東縣景曰翠屏天榜

東山 在江之東上有左右二泉

桂子山 在縣東三里

石貢山 在城東十五里其山有石盤若貢物



然

錫山 在城西南六十里又名金蟾山

鍾秀山 在城北一里上有紫雲崖

几山 在縣西三十里

八脚山 在城西北八十里山足分八支

朝陽山 在城北五里有臺

金子山 在城東北四十里峭壁突出日光早

映

葛仙山 在城東北七十里有清泉以仙翁

嘗憩此故名

吉公山 隱人吉公居此

響山 山上石扣之有聲

牙石山 在米源井

養秀山 按明一統志在治西一峰聳秀一名

積草山

龍山 按明一統志在治北下有西湖

君子石 在治南八十里江畔三石有低昂揖

遜之象故名

海螺堆 在治南六十里山峙江中若海螺狀  
月巖 在瑪瑙山麓又名中巖舊有霧隱堂宋  
趙雄魏了翁俱有記今亡

雲崖 在城西四十里

竹巖洞 在城東南五十里有流盃池宋侍郎  
鄭瑩嘗居此著前後竹巖賦

長春洞 在東岸多植花木

果超洞 休休道人詩崖中白衣士趺坐淡虛  
泊祇苑遺俗氛崖花自開落青山何寥寥白石

亦鑿鑿寄與同心人且未百歲樂

仙鶴洞 深邃莫測樵者於此得鐵劍上有宐  
和二字

清泉洞 在勸農山下常聞有碁聲

梅洞 在縣北四十里名梅龜村有石穴禱雨  
輒應

青絲洞 在城西四十里中有孔穿四山池甚  
清旱禱輒應

鯉魚洞 在城西六十里時有鯉躍出禱雨輒



應

金川 在治東一里中江又名中水線水珠江  
源自漢州流過縣西至瀘州入大江中流有石  
堆高出水面分布兩層前三後七世傳爲三臺  
七曜石

西湖 在治西方廣二頃水潔魚美菱芡蒲荷  
充牣其中宋程驤詩飽聽西湖似輞川有懷無  
處問長年四山攢翠爭圍地二水涵空爲補天  
鰲溪 在治東流合金川宋李文淵築室臨溪

後登進士人謂占鰲頭故名

芝溪 在城東四十餘里宋嘉定中邑人吳永  
錫建亭於上匾曰臨清眉山石正行有歌

黃溪 在城南二十里自南溪石柱山右龍支  
流百里入內水

榮溪 按明一統志發源成都府仁壽縣過榮  
縣合金川流入蜀江

五龜潭 在治西其崖上有突出如龜形者五  
每陰雨則水面湧沸若有物焉旱禱有應



芹井 在文廟內

文昌井 在文昌祠下

董家井 在文昌祠

惠濟泉 在羅觀山南水自壁飛下

孝泉 在錫溪因孝子黃璿故名

百支池 在治西北四十里灌溉田畝支派不

一

南溪縣

龍騰山 在治東二里下瞰大江其北有石橫

空長四丈許世呼為龍橋舊有黃庭堅大書涼

暑亭三字

瑞雲山 在治北二里雲氣結而不散人以爲

瑞

平蓋山 在治西一十五里有三山九隴唯此

山一峰特出頂圓而平故名一名瑪瑙山漢真

人劉景鶴隱此有石洞深邃上有石穴圓如盞

有水出焉又有木葉紋如篆謂之符葉

龍透山 在東北一十里山腹有洞穴深廣十



餘丈

琴山 在治南二里狀似琴

可廬山 在治南五十里上多筇竹蜀志補遺

云可無山古宜賓縣也今訛名可廬

龍磨角山 在治西六十里其山巉巖有劃破

迹相傳有龍於此磨角故名

桂輪山 在治西七十里石壁上有黃庭堅書

大桂輪山四字

雲臺山 在治北八十里元廖蜀望詩雲臺穴

出衆山低小徑縈紆上石梯古寺獨存山寂寂

斷碑惟覆草萋萋滿空香散春蘭綻萬壑煙生

晚樹迷爲愛其間風景好登臨幾度杖青藜

凌雲山 明建文帝遭靖難師發錦囊得髡緇

度牒有逢雲則住逢爐則住之句遂隱於此山

山之傍號曰紅崖

貞婦石 在治南七十里昔有婦人夫喪無子

事姑甚孝強嫁不從後婦隨沒其室中忽一大

石湧出形如婦人時號貞女石至今尚存



龍透洞 離城十里許洞名龍透一石橫飛中空直過南北相望軒敞開明春則雲氣吐納夏則涼颼兩腋秋則桂影平穿冬則寒烟雙引壁間一勺之流迸石而出清冽香美其石文斑駁層層如海浪南邑第一奇景也

李公洞 在龍騰山乃仙人李真遺跡

青衣江 在治南一十五里古有青衣國與敘州相鄰其商賈之蜀見漢衣冠遂求內附焉江因以名

石笋灘 在治西三十里江漲險甚窮冬水落岸有石長數丈如笋故名

銅鼓灘 按明一統志在縣學東學舊未利近世灘之上流有石磧生高十數丈壅水自巽方而去自是文物稍振

福溪 在治西北舊名覆溪唐劉崖為郡都督改今名

熨溪 在治南相傳武侯南征熨蠻於此歸服又名曰服溪舊志云福溪



九盤溪 在治南相傳昔有童子遇龍翁於此

葫蘆井 在治西北五十里劉景鶴穿取此水

煉丹鑿井口如葫蘆故名

芙蓉池 在治北六十里

仙源池 在治北劉景鶴煉丹初用此水

長寧縣

筆架山 在治西山分數峯如筆架

牛心山 在治東山形翠律如牛心因名

金龜山 在治南一里四面平疇中突一阜如

龜狀

越王山 在治南二十里相傳因有越王墓故

名

龍翽山 在治北四十里山形蜿蜒如龍又名

龍峩山

寶屏山 在治北舊有登雲亭

佛來山 在治北一百五十里

萬松嶺 在治西宋趙使君詩清溪狹徑小橋

東春日桃花處處同我爲日長無一事偶然來



此聽松風

鳳嶺 按明一統志在治西其形如鳳  
虞公峽 在治東昔有石蔽塞水道不通舟楫  
宋嘉定間故相虞允文子杭孫爲守開鑿始通  
至今賴之

槐子洞 在治北二十里內乳結遍洞如槐子  
故名又有朝真洞在絕頂寧真洞在山谷之坳  
尤亢爽有樓閣堂奧之象士大夫遊此處皆有  
吟詠

海棠洞 在治西昔郡人王氏環植海棠春時  
花開郡守宴僚屬於其下

介湖 在治西植荷其中旁舊有蔚藍樓

冷水溪 在治西發源筆架山

清溪 在治東七十里寧遠砦涇灘之下輿地  
紀勝云中多水族如蛟龍之屬

東溪 在治東發源自崖山下流與嘉魚泉合

西溪 在治西發源越王山流與桃源合

清溪 在治東西溪水至清井合流故名



硯石溪 在牛心山後峯石如盤可爲硯

武寧溪 在治東十五里上有巨石橫截中流

虞允文鑿之以通舟楫石上大鐫虞公峽三字

小桃源 冷水溪側發源筆架山下宋嘉定間

張太守於此植桃李創置亭榭軒堂掘地得銅

牌曰小桃源詩云綽約去朝真仙源萬木春要

知竊桃客定是會稽人

龍女井 在治東昔人見小女出入井中坐石

上以理髮故名

清井 在治北泉有二脉一鹹一淡取以煎鹽

塞其一則皆不流又謂之曰雌雄井

涇灘瀑布 在治東七十里自山頂飛流而下

長數十丈下有深灘怖心駭目俗呼爲一疋絹

嘉魚泉 在治東內有小魚經年不長土人釀

酒必用山後糯米嘉魚泉水則味極甘臨流有

閣曰臨賦亭曰信樂

安樂泉 在涪溪側夏冽冬溫黃庭堅號爲安

樂泉



享德池 在治東五里松山之下源泉湧出為池

鰲匯 在治東北角鰲溪之水與西溪之水合流

高縣

閣梯連珠山 在治南其山峭壁如閣路盤旋如梯故名

馬鞍山 在治西一里山形如鞍俗呼為朝天山

遠眺山 在治西二里彝人出沒登此山可眺望

宋江 在治西五十里

清冷水 即清冷溪

復寧溪 在治東自珙縣發源下抵慶符可通舟楫

梅嶺溪 自梅嶺堡與梅洞溪合

筠連縣

十八學士山 在治西半里



木浪山 在治南十里

亭臺山 在治南二十五里高聳如臺

暮春山 在治西四里古山麓彝人暮春穀於

此

景陽山 在治東一里平坦得日光最先故名

定川溪 一發源烏蒙府溪澗地名黑桃灣一

發源鎮雄府溪澗地名羊落溝二水至兩河口

合下流十里至城西出北十里入高縣黑灣溪

交界

治南巡檢司小溪 發源高縣地名得邁流經

縣地水次凡三十里合高縣海登寺界不入縣

城

龍潭 在治北水至清昔人云龍潛於此

溫泉 在治南十里

玉壺井 井側有石攢起如蓮花

琪縣

芙蓉山 在治北三十里衆峯聯秀形如芙蓉

麒麟山 在治北三里形如角端



棺木崖 在治西七十里昔爲棘蠻所居其人鑿崖石釘椿置棺其上年久有墜者蓋棘俗營葬以懸崖爲吉也

穿山洞 中有燥處可居廣十里奢會叛民多避洞中得免賊祇在洞下仰攻無路攀躋擊之卽退

海棠洞 亦爲避兵之所

黨敞洞 洞中龍去已久土人卽洞祀龍君神其下泉流愈虐

落浦河 在治南三十里洞穴深邃元封洞神爲普惠侯祈禱輒應

琪溪 在治南一百五十步多石不通舟楫民以筒車引水灌田利澤甚廣

魚孔洞溪 在治內十一里水從洞口出魚從泉中來故名

百川溝 山高泉潔林木極茂有武陵之意

大水溝 下俯深筭水激噴霧真可駭心炫目  
興文縣



摩旗山 在治東形如摩旗故名

砲架山 在治南五里宋趙適征蠻設砲架於此

南壽山 按明一統志在治西南

丹霞箐 在治南二十里旦暮霞彩浮於樹杪

凌霄城 在治南二十里其名為城亦山也層

巒聳翠望之如城

水車河 在治東十里

螺螄寨小溪溝 自建武小隘子發源距縣十

里至乾溪入洞至江安青岡樹水復出會瀘州  
下大江

隆昌縣

道觀山 山勢迤邐岑巒聳壘俯視東流為縣  
城之枕背

回龍山 在治南一里為縣治水口山前水勢  
分流山後復合相傳為鬻官之佳風水云

天峰山 在治南

峰門山 在治西



正覺山 在治南

樓峯山 在治南山高翠秀縣堂遠觀儼如文

筆插天

響石山 在治南上有天磐石擊之有聲

建武

玉屏墩 在治西峰巒聳峙遠近一覽昔建堡

於巔今僅存故址

九絲城 在治左昔為都蠻盤踞險不可登四

面以絲圍之約重九兩故以名焉

轎頂山 在治東十里崢嶸峭拔四圍如削形

類車輿昔人避亂於上

印欄山 在轎頂山下奇峯突兀高插雲表

文印山 在印欄之下尖秀如筆上有白石五

片層疊如書與學宮對峙

都都寨 在治東十里峭壁凌霄



敘州府城池考

總志縣志合載

本府

宜賓縣附郭

敘州府城池

石城唐德宗時韋臯開都督府

於三江口因是創建土城會昌中因馬湖江水

蕩圯徙築江北宋末元兵入蜀安撫郭漢傑移

治登高山元至元中廢山城復城於三江口即

今制明洪武初總兵曹國公設守禦千戶所仍

增外城包舊城於內砌以磚高二丈七尺厚一

丈八尺周一千八十七丈門六麗陽合江建南



七星文星武安東南以馬湖江爲天塹西北則  
鑿壕廣五十丈深一丈五尺

外縣

慶符縣城池 石城明成化初知縣詹文築土  
城高一丈二尺周六百三十丈後知縣黃瓚重  
甃以石門四池深一丈

富順縣城池 舊惟有土城由瀾崖包馬腦至  
凌雲山而止年久圯壞正德壬申知縣童綸始  
裁約其制甃以磚石周五里有奇門七東曰東

津南曰文明西曰凌雲北曰拱極東北曰向陽  
西南曰鎮江又東北之中曰子門後東北城隅  
爲江水冲激沙岸漸崩牆垣傾圯萬曆二年甲  
戌知縣劉方由小東門至子門甃以灰石萬曆  
六年復因水漲堤崩知縣秦可貞更加區畫完  
砌如故明末寇燬今正議修

南溪縣城池 明天順中創知縣鄧壽椿路義  
欄相繼重修周五里城門七  
長寧縣城池 石城宋寇城卜地於涪井明因



之成化間知府王良美琢石展城高一丈六尺  
周三百七十五丈門四外環以壕

高縣城池 明景泰初創建成化初重修甃以  
石高一丈五尺周三百六十丈門四

筠連縣城池 邑舊無城明景泰初建築土城  
成化二年知縣翁冕重修甃以石門四萬曆初

知縣蔣邦輔重修外環以壕惟東南二門有之  
城周圍三百零八丈一里八分壕深一丈寬一

丈兵火後塌毀無存

興文縣城池 石城宋趙適征蠻常駐兵於此  
築土城一里半明洪武中修包以石門四正德

二年建石城高一丈周圍一百九十九丈一尺  
城樓三座門三開自甲申兵火俱圯

珙縣城池 石城背山環水明天啓八年知縣  
曹棠築周二里許高一丈

隆昌縣城池 石城明隆慶間知府張世引建  
高一丈八尺周三百五十丈門五無池

建武城池 萬曆三年創建西面附玉屏山麓



僅開東南北三門城垣高一丈三尺周圍四百七十三丈池無

欽定古今圖書集成方輿彙編職方典

第六百四卷目錄

敘州府部彙考二

敘州府關梁考

敘州府封建考

敘州府公署考

敘州府學校考

敘州府賦役考

敘州府風俗考



敘州府祠廟考 寺觀附

職方典第六百四卷

敘州府部彙考二

敘州府關梁考

本府 宜賓縣附郭

總志

摸索關 在城南三百里

落桿關 在城南五百里

開造關 在城西南五百里

二郎關 在治東南隔江其上建有川主神廟

惠政橋 在城東三十里



謁仙橋 在仙侶山下有楊仙洞故名

龔家橋 在治西四里龔居士暮年賣棺成之

蘇黃橋 在治北三里崖石有山谷手書涪溪

二大字稍前為橋以東坡山谷同遊於此故名

石梁 在治西三里有石刻敘郡樞軸四大字

大石盤 在治北三十里中為大河隔岸上有

撫院喬壁星手書丹山碧水四大字

慶符縣 迎祥橋 在治西

四世橋 在祥溪上邑人嚴友直嚴秋等建

鎖江津 在治北一里西岸大石屹立置鎖於

江以備寇岸石鑿鎖江津三字

富順縣

太平橋 在治西

鼇溪橋 在治北

雙石橋 去治北四十里宋時建

東津橋 在治東南跨金川

通遠橋 在治北四里邑人王鐸建



水簾橋 在城西五里

錫溪橋 在治東南七十里

富來井橋 去治六十里

南溪縣

梅溪橋 在治北二十里岸多梅

集慶橋 在治東

迎祥橋 在治西

大溪橋 在治左

桂溪橋 與大溪橋相對

魚符津 在治北三十里津有鴛鴦圻唐真人

張真船覆求屍不得妻黃氏仰天嘆遂沉於江

積十四日持真手出灘下

長寧縣

通秀橋 在治北

仙津橋 在治西

永濟橋 在治東

普濟橋 在治西南

高縣 筠連縣 珙縣 隆昌縣 關梁俱未



載無考

興文縣

惠政橋 在治東

思政橋 在治南一里

附建武

鐵鎖橋 在治前兩澗湍流相合亂石森立春

夏之交洪濤洶湧昔以鐵鎖造橋閣板成梁覆

以瓦椽甲申變後鐵為悍將取去今不復重建

敘州府封建考

總志

明

慶符恭僖王 名友堦和王第六子天順八年

封弘治十八年薨長子卒次子端順王申鏃嗣

鏃薨子恭和王賓沾嗣賓沾薨長子卒次子康

定王讓儀嗣儀薨子承鈞嗣

隆昌王 名奉爵端王第七子萬曆二十四年

封

富順王 名至深嗣王第二子萬曆四十四年



封

敘州府公署考

總志縣志合載

本府

敘州府治 在西門內南向明洪武初建正德

癸酉重修

通判署 在城東北南向

經歷司 照磨所 俱在府治內今裁

司獄司 在府治內

都察院 在城東北南向

分守道署 在南門內今燬



分巡道署 在府治左後南向

敘永管糧廳 在永寧城內明天啓中段流建

宣化巡檢司 在治西北二百八十里今立馬

站

橫江巡檢司 在府治西南八十里今裁

汝川水驛 在治東北

博濟倉 在治東北

敘南衛 在治東今裁

僧綱司 在大覺寺右

道紀司 在安靜觀左

宜賓縣治 在府城東知縣謝開寵重建頭門

二門大堂二堂內署略有可觀

典史署 在治內

真溪水驛 在治西北二百八十里今立水站

月波水驛 在治西北二百四十里今水站

外縣

慶符縣治 在中坊鄉

沙河公館 在治東立站



富順縣治 舊踞神龜山南明洪武十年知縣  
 鍾鉉遷於北街十三年因水沖激主簿丁翁歸  
 請復舊治正統十二年知縣李真嘉靖十二年  
 知縣楊登童綸周夔相繼修建中為正廳五間  
 左右為六房吏舍在六房之後廳前為戒石亭  
 又前為儀門儀門外為寅賓館左為旌善亭右  
 為申明亭官庫在典史宅內架閣庫在正廳右  
 知縣宅在後堂之北明末賊燬治基瓦礫  
 皇清底定官至僦居民舍康熙八年知縣金肖孫始

買官房重建縣治以為聽事之所

縣丞宅 在後堂東

主簿宅 在後堂西北

典史宅 在官庫後

趙化鎮巡檢司 在治東五十里裁

稅課局 在治西

富義鹽課司 在治南

通郵馬驛 在治西八十里

柳溝公館 在治東五十里宋時李文潤建



預備倉 在西司房後萬曆五年知縣劉方建  
南溪縣治 明末毀無存

皇清康熙三年知縣李呈芳復建立縣署三層

典史宅 康熙五年典史喻崇恭建衙署二層

龍騰水驛 在治西

長寧縣治 在通濟門內

東溪公館 在旌孝坊右

高縣治 在山路鄉

江口巡檢司 在治南四十里

筠連縣治 歷代建置無考明末建有大堂三  
間

皇清康熙十年知縣孫如芝建二堂茅屋三間後堂

茅屋五間十九年圯壞無存二十四年知縣鄭

錄勳建西隅茅屋三間迎賓館三間儀門三間

大門一座

典史宅 在大堂東詹光相建茅屋三間圯

三岔巡檢司 在治南裁

三土巡檢司 在治南



珙縣治 邑治久廢今於縣衙舊址建廳室共二層

典史宅 共二層

鹽水壩巡檢司 在縣南一百二十里即歇馬壩今圮

都寧驛

在縣南八十里東南通建武南通鎮

雄萬曆初置今廢

典文縣治 原係三層知縣王璋重建

典史宅 久圮

兩河口巡檢司 今燬

隆昌縣治 明隆慶初建被燬

皇清知縣祝大年修復

典史宅 聞鳳騰修復

建武守禦千戶所治 在府南二百里萬曆元

年都御史曾省吾平蠻後建今裁設遊擊

安邊廳署 在城內明萬曆初創建又有兵備

道等公署

遊擊署 康熙四年建



中軍守備署 在城內萬曆二年創建裁

洞門巡檢司 在城內明萬曆初自珙縣徙建

敘州府學校考

總志縣志合載

本府

敘州府學 舊在府治南明末樂間重建萬曆

中知府陳大壯曾可耕相繼以湫隘改建於治

東舊藩府基宜賓學初附後遷

皇清康熙二十四年內知府顏敷何源濬知縣平廷

鼎相繼重建

孝節書院 在治西二里有孝子陳相吳順吳

審節士任未費貽孫鎔像今廢



翠屏書院 在府西翠屏山上又名五賢祠有

濂溪橫渠明道伊川晦庵像今燬

涪翁書院 在治北有黃山谷像

宜賓縣學 舊在古戎州治東南南宋慶曆間建

明洪武間始遷今治萬曆中改建於二南門內

之中

皇清康熙二十五年知縣平廷鼎學博饒桂陽重建

蟠龍書院 在越溪之上宋龍圖閣大學士程

公許讀書處也程公兄弟三人公碩公說皆中

南宋進士今木主尚存本鄉進士副使周爻為

之序重新其宇尹方伯題其祠曰宋程文忠祠

題其院曰蟠龍書院以其山水蟠結若龍然也

外縣

慶符縣學 在治東元大德間建於城外明洪

武三十二年改建城內縣後崇禎六年知縣殷

逢世重修今僅存正殿櫺星門

皇清康熙二十五年知縣丁林聲修建

富順縣學 在治東宋慶曆間建明洪武三十



古今圖書集成  
二年重建弘治中增修嘉靖中知縣周夔重修  
泮池崇禎末寇燬

皇清康熙十九年知縣錢紹隆重建

射圃 在儒學東

柳溝書院 在治東九十里宋李文淵建今圯

西湖書院 在治西有李見讀易洞嘉靖四年

知縣周夔於洞前建書院又有亭樓書室俱廢

南溪縣學 舊在治西宋熙寧間建明末樂間

重建萬曆三年知縣陳忠改建於鳳凰山卽楊

### 發書院遺址

皇清康熙二十四年知縣王大麒修理牆垣門屏

雲臺書院 在治北雲臺山上有石鐫此四大

字元廖蜀望詩窗外翠搖鶯喚柳簷前影動鶴

翻松晝閒對景無餘事一曲瑤琴奏午風今燬

南溪書院 在治西北唐楊發讀書處今燬

長寧縣學 在治西洪武七年建成化間知縣

李重修明末燬

皇清知縣常紹先重修正殿三間



皇清東溪書院 在旌孝坊今廢

高縣學 在治東明洪武八年建

筠連縣學 在治西明洪武七年建

皇清知縣孫如芝重建正殿三間明倫堂五間泮池

石坊

珙縣學 在治南元建洪武二十二年重建

興文縣學 舊在縣治南元至元間建明洪武

間重修萬曆中知縣王慎凌亮相繼改建於治

北

皇清康熙十年知縣王興賢請改於南門外柏香壩

隆昌縣學 明隆慶初建

皇清康熙二十五年知縣錢振龍重修

建武學 在北關內萬曆年間建後因地形下

濕且傾圮改建城西南隅

皇清裁所治儒學歸并敘州府



敘州府賦役考

總志縣志合載

府總

實在民戶三千三百二十六戶男婦七千六十一口

實熟民田地共三百四十六頃九十二畝七分九釐七毫五絲一忽八微七塵內除敘永管糧廳并九姓司原係徵銀徵米并無載糧外餘共載糧二百九十八石七斗九升三抄六撮三圭八粒三粟



古今圖書集成  
總共應徵丁糧條銀七百七十二兩六錢六分  
三釐一毫一絲八忽一微三塵九纖二沙本色  
京斗米九百七十四石四斗三升二合六勺一  
抄八撮一圭八粒

宜賓縣

實在民戶二百九十九戶

實在民田上中下共三十三頃五十七畝八分  
三釐八毫二忽

共載糧五十六石三斗三升五合六勺八抄二

撮一圭二粒徵丁銀一十三兩七錢一分七釐

五毫七絲一忽九微三塵七纖

徵糧銀五十兩零五分九釐三毫四絲四忽三

微六塵六纖

徵條銀二十三兩六錢九分五毫二絲六微二  
塵四纖

以上丁糧條共徵銀八十七兩四錢六分七釐  
四毫三絲六忽九微二塵七纖

正條糧內遇閏年加增銀二兩六錢八毫八絲



古今圖書集成  
四忽一微四塵七纖

康熙二十一年內奉文爲逆孽旣平等事一案  
勘丈敘馬營弁兵自守上中下田二十五畝八  
分九釐一毫八絲七忽八塵七纖徵丁銀九分  
五釐二毫九絲八忽五微二塵六纖

徵條銀一錢六分四釐五毫八絲二忽三微六  
塵五纖

徵糧銀三錢四分七釐七毫七絲一忽四微遇  
閏年加增銀一分八釐六絲八忽八微二塵

見徵魚課銀四錢

慶符縣

自康熙二年清丈起至今止土著並招徠新墾  
共熟田六頃六十一畝六分四釐四毫四絲四  
忽共載糧一十石二斗二升一合三勺七抄三  
撮六圭八粒

人丁一十二丁九斗七升七合七勺九抄一撮  
九圭七粒

共徵條銀一十四兩五錢七分七釐五毫七絲



古今圖書集成  
三  
二忽七微一塵八纖

富順縣

康熙二年編戶一百六十六口九百八十八  
丈畝上中下田地共五十四頃七十八畝七分  
六釐七毫三絲一忽

共載糧一百一石四斗六升七合五勺六抄六  
撮四圭

人丁三十六丁二斗八升六合六勺五抄五撮  
三圭三粒九粟

丁糧條共徵銀一百六兩九分四釐四毫八絲  
五忽五微六塵七纖

應額地丁課銀三百三兩二錢

小井課銀共九百二兩八錢

又額井七十八眼前煎鍋一百六十三口歲徵課  
六百七十三兩

南溪縣

實在奉丈上中下田六頃七十八畝四分八釐  
七毫一絲三忽人丁五口



丁糧條共徵銀一十五兩九錢二分八絲四忽  
三微八塵六纖分爲南北二里

長寧縣

自康熙二年奉丈漢彝土著上中下田一十七  
頃七十三畝四分六釐二絲一忽見在課糧二  
十五石九斗一升九合八勺一抄七撮三圭四  
粒

人丁二十三丁三升四合二勺八抄四撮九圭  
九粒

實徵丁條銀二十九兩六錢六分九釐三毫八  
絲六忽六微六塵七纖七沙

筠連縣

人丁三十二丁六斗四升九合一勺六抄二圭  
田畝一十一頃七十四畝七分一釐七毫八絲  
五忽

正賦二十七石七斗九升一合三勺七抄八撮  
六圭四粒

自康熙二年奉丈上中下田共載糧二十石徵



銀二十七兩七錢六釐四絲二忽五微九塵零  
珙縣

康熙二年丈畝上中下共田十頃二十五畝三分九釐四絲一忽

共載糧十六石一斗零四合三勺九撮九圭零  
該徵銀十二兩零六釐八毫四絲三忽九微八塵六纖

該徵條糧銀六兩二錢七分八釐三毫六絲二忽六微二塵

共人丁二十七丁九斗四升九合七勺八抄二撮八圭

該載丁銀十一兩三錢一釐一絲六忽三微一塵一纖

以上丁糧條銀歲共徵二十九兩五錢八分六釐二毫二絲二忽九微一塵七纖加閏在外  
興文縣

康熙二年奉丈田糧一十八石六斗八升零  
中下田一十三頃四十五畝



人丁一十五丁編戶四里徵解條銀二十兩二

錢零

隆昌縣

實在上中下田共七頃一十二畝三釐五毫三

絲六忽

額糧一十六石八斗九升七合六勺六抄一撮

六粒

人丁三丁四斗六升三合六勺二抄五撮一圭

丁糧條共徵銀一十八兩三分九釐五絲六忽

七微一纖

高縣志闕

建武

自康熙二年奉行清丈

中田二頃六十一畝三釐六毫八絲八忽每畝

載糧二升共載糧六石二斗二升七勺三抄七

撮六圭

下田二頃二十一畝五分九釐一毫七絲三忽

每畝載糧一升二合共載糧二石六斗五升九



古今圖書集成  
七  
合一勺七圭六粒

中下田共四頃八十二畝六分二釐八毫六絲  
一忽共載糧七石八斗七升九合八勺三抄八  
撮三圭六粒

每糧一石徵本色京斗米五斗折色銀三錢五  
分共徵本色京斗米三石九斗三升九合九勺  
一抄九撮一圭八粒共徵折色銀二兩七錢五  
分七釐九毫四絲三忽四微二塵六纖

敘州府風俗考

總志縣志合載

本府

宜賓縣附郭

寰宇記彝夏雜居風俗各異

宋李宗承園記其士靜而有文其民樸而易治  
慶符縣

盜息訟寡

民風淳樸俗稱古老耕讀而外鮮有逐末

富順縣

寰宇志淳厚守禮重農好文善邑也



古今圖書集成  
民力於穡士競於學

宋黃庭堅祠堂記州以涪翁重詩禮之澤漸漬至今

錢士開泮水巷記俗慤而愿且知禮遜

宋史周湛傳俗不知醫

南溪縣

地瘠俗淳

人心淳龐風俗古樸

長寧縣

士習淳正有古君子遺風

民俗樸茂力於耕織

高縣

其人誠質

筠連縣

彝俗頓變

習俗儉素不尙華侈士敦節義民勤稼穡而官中無侮文之吏百工無淫巧之習但民貧易遷當策所聚去也



珙縣

士勤學問農習耕耨尚氣而好禮

興文縣

士漸華風彝尚舊習

山高水淺士樸民淳水耕火耨勤儉守業

隆昌縣

地當衝衢耕讀務本土固窮而競於文民困役而力於穡土瘠俗厚敦重誠樸尚存古道

敘州府祠廟考

總志縣志合載

本府

宜賓縣附郭

社稷壇 在治西

風雲雷雨山川壇 在治南

郡厲壇 在治北

文昌祠 在府治西

城隍廟 在府治北

關聖廟 在北城外

東嶽廟 在江北



古今圖書集成  
一  
川主廟 在治南隅

土主廟 在治北

黃文節公祠 在治北祀黃庭堅

五賢祠 在治西翠屏山上有濂溪明道伊川

橫渠晦庵遺像

孝節祠 在治西二里有孝子隗相吳順吳審

節士任未費貽孫鉉像

順利廟 在府南蜀牂牁大守陳立有功於民

郡人立廟祠之

蕭公廟 在治東合二城門之中江西王懋泰  
重建

馬神廟 在治西康熙乙丑年遊戎陳燾重建

三聖廟 在治西

武侯祠 在江北與山谷祠並

涪翁祠 在江北

曾公祠 在北門內

江主廟 在治東南合江門外俯兩江會合處

祀漢丞相參軍馬謖歲久而圯康熙乙丑年內



經歷袁朝鼎率楚商重建

楊公廟 在治內

楊四將軍廟 在北關臨江守戎張明德建

慶符縣

社稷壇 在治西

風雲雷雨山川壇 在治南

邑厲壇 在治北

江主廟 在治北祀漢馬謖

土主廟 在治西祀陳公

于公廟 在下橋

東嶽廟 在拱極門外

城隍廟 在治南

武侯祠 在治內今圮

崇功祠 祀撫軍曾省吾因平九絲蠻有功德

於民故祀之今圮

五公祠 肖明縣令周璧吳國玉李嘉會三像

於中後萬曆三十五年縣令葛楚士萬曆四十年縣令宋進儒教養兼善士民添塑於內扁曰



古今圖書集成  
五公遺愛今圮

富順縣

社稷壇 舊在南門外

風雲雷雨山川壇 舊在南門外

無祀鬼神壇 舊在南門外

關帝廟 在治西

呂光廟 在治西祀後梁王呂光

金川廟 九域志云鹽井神也神姓王井主梅

澤梅本彝人見石上有泉飲之鹹遂鑿石百丈

泉上出煎之成鹽梅死廟祀之

城隍廟 在治東北稍後嘉靖七年建

龐士元祠 在治東一里

土主廟 在治西其神姓卞秦惠王時擒鰲治

水有功

川主崇應祠 在治東

升澤廟 在治西旱禱輒應

壽亭侯廟 在東門外

南溪縣



社稷壇 在治西

風雲雷雨山川壇 在治北

烈女黃帛氏祠 在縣治前嘉靖中重建今燬

長寧縣

社稷壇 在縣東

風雲雷雨山川壇 在縣北門外

邑厲壇 在縣西

忠祐祠 在治東北宋建隆乾德年間柳光熙

為南彝巡檢恩威並著攝服蠻彝身後屢著靈

應宋封為長寧土主之神元封為崇應侯明末

樂中加封靈濟福靈顯惠公政和六年建祠三

層於東郭外鄉人崇祀至今不衰詳見李未通

碑記後祠殿傾圮

皇清康熙元年知縣楊煒重建正殿三間

關聖祠 在治北郭外後漢建寇亂焚燬

皇清康熙八年典史趙自體重建正殿三間周圍牆

垣樓門知縣常紹先裝塑聖像及左右將帥

東嶽廟 亂後燬



皇清康熙十年知縣常紹先重建正殿三間

筠連縣

社稷壇 在縣北門外一里許

風雲雷雨山川壇 在縣南一里許

邑厲壇 在治北

城隍廟 在縣西

報功祠 在治東祀巡撫馬吳守備何卿推官

勞輔相

文昌祠 在城南

浪廟 在治北萬曆六年重修

土主廟 在城東

東嶽廟 在城東

川主廟 在城東

五顯廟 在城東

關帝廟 在城北

五靈祠 在城北

龍王廟 在治北

珙縣



社稷壇 在縣西北

風雲雷雨山川壇 在縣北

邑厲壇 在縣西

柳公祠 在治西

關帝祠 在治西

興文縣

社稷壇 在東門外

風雲雷雨山川壇 在縣北

梅峰山 岱宗廟 俱在治東

晉王廟 在治東城外

隆昌縣

社稷壇 在治南

風雲雷雨山川壇 在治北

邑厲壇 在東門外

文昌祠 燬

城隍廟 在城東

關聖廟 在城東

馬王廟 在城東



五皇廟 在城北

土主廟 在城外南關

常公祠 燬

建武

社稷壇 在所西北

風雲雷雨山川壇 在北門外一里許

厲壇 在城西南

城隍廟 開闢建武時設雖經重葺廟貌儼然

關聖廟 在東關外殿宇重新金像莊嚴

東嶽殿 重修

三義祠 在南關外

高縣志闕

寺觀附

本府 宜賓縣附郭

大覺寺 在治東元延祐間建凡正殿經樓規

模弘廣廊舍繁密寺前坊額曰第一禪林因流

寇之變盡燬僧人聯極重新之

壽昌寺 在治東宋淳祐中建



佛祖寺 在翠屏山釋子澹月重建

孝子寺 在治東漢孝子隗相建

北塔寺 在治江北十里唐建

崇報寺 在治內東北隅

觀斗寺 在治東梁山之巔

會龍寺 在治城內

石鳳庵 在治東江外三壁皆石面臨水上

石龍庵 在治城外西南

無等院 在治西宋黃庭堅寓此作槁木庵陸

游有詩今燬

無量殿 在師來山頂真武殿後僧人如元性

朗創建

安靜觀 在治東

文清觀 在治西南

元都觀 在治西元至元間建

慶符縣

天寧寺 在治右

雲平寺 在治東



集慶寺 在城東

圓通寺 高僧普僊卓錫於此

三台寺 在治前三台山今圯

迎祥寺 在治右掛榜山

西江寺 在治西半月山今圯

文殊寺 按明一統志在治東宋紹興間建明

洪武中重修

紫極觀 在治東

東華觀 在治東一里

真武觀 在治後

富順縣

萬壽寺 在治東唐天授元年建明洪武二十

年重修

聖登寺 在治南

大定寺 在治南

東山寺 在治東一里宋淳熙丙午建明洪武

宣德中相繼重修今存

資國寺 在治北二里旁有羅漢洞唐大曆十



古今圖書集成  
十  
三年建宋太平興國二年重修

隆興寺 在治南五十里宋皇祐六年建淳熙  
中重修

碧雲寺 在治西四十里宋淳祐間建明末樂  
二年重修

崇果寺 在治東北八十里葛仙山宋淳熙甲

辰建明永樂二年重修有葛仙煉丹臺

興教寺 在治西一里明正統二年建

毘盧寺 在治南十里

斗牛寺 在治西二十里

妙覺寺 在之溪鎮西去縣五十里宋時建明

宣德四年重修

仙峰寺 在治西南三十里

金井寺 在治西南青山峽右寺有八景

南山寺 在治南一里

安福寺 在治南六十里

東林寺 在治西南四十里

淨明寺 在治西七十里



寶乘寺 在治西五十里

羅漢寺 在治西七十里

雲隱寺 按明一統志在治東宋淳熙間建洪

武十二年重修

元妙寺 在治後明洪武十六年設道會司

梓潼寺 在治西北一里

雲峰觀 在兜子山

三清觀 在治東北宋淳熙間建

南溪縣

龍慶寺 在治東元至元間建

萬壽寺 在治南宋時建

永峯寺 在治北

積慶寺 在治西

龍巖寺 按明一統志在治東二十五里元至

元中建明永樂中重修

長寧縣

聖興寺 在治東明洪武中建

報恩寺 在治東北



西明寺 在治西

龍泉寺 在治西北

西明禪寺 在治東佛來山頂

昊天觀 在治西北

劉真人觀 在平蓋山頂相傳劉景鶴修煉之

地

寧真觀 在治北

高縣

觀音寺 在治北

筠連縣

萬壽寺 在城南

光明寺 在治南二十里

海會寺 在治北十里

海南寺 在治北十里

元真觀 在治西北

珙縣

觀音寺 在治南

顯寺 在治西



馬鞍山寺 在治南

興文縣

南壽寺 在治南元至元間建

霖寺 在北門外廢

慈化寺 在治北

東巖寺 在治東廢

三清觀 在治南廢

真武觀 在治東廢

隆昌縣

龍威寺 在治西五十里宋時建

高洞寺 在治南三十里萬曆時建

聖燈寺 在治南二十里萬曆時建

建武

萬壽寺 在南關外殿閣巍峩金像莊嚴

朝陽寺 在東關外四山朝拱厥位向陽殿宇

傾圮

龍泉寺 在北關外泉水甘冽一鄉田畝資其

灌溉



真武觀 在玉屏山下殿閣崔巍重修

